

金剛頂經多羅菩薩念誦法一卷

開府儀同三司特進試鴻臚卿肅國公食邑三千戶賜紫贈司空諡大鑒正號大廣智
大興善寺三藏沙門不空奉 詔譯

歸命瑜伽自在王	善住如幻三昧者	普於淨染諸刹海	能示種種隨類身
我依蓮華相應門	開示多羅大悲法	為令修習三昧者	離於二乘無悲定
速具神通波羅蜜	即能頓證如來位	行者應發普賢心	從師具受金剛戒
不顧身命起慈心	乃能堪入解脫輪	應從師受三摩耶	契印密語如經說
敬阿闍梨如佛想	於同學起殷重心	或於山間阿練若	流泉浴池悅意處
山峯石窟迴樹邊	建立壇場如法則	莊嚴精室置本尊	隨力供養一心住
遍觀十方諸佛海	懺悔發願皆如教	為成三業金剛故	當於二手舌心中
吽字想成五智杵	由是加持能悉地	次應結契名警覺	二手皆作金剛拳
檀慧相鉤豎進力	二度相拄名起印	【吽- 𑖀】	

真言曰：

唵(引) 嚩日囉(二合引) 地瑟吒(二合) 吽(引)

Oṃ, vajra-adhīṣṭa hūm.

次應敬禮阿闍尊 捨身求請不退轉
金剛合掌舒頂上 全身著地以心禮

真言曰：

唵(引) 薩嚩怛他(引) 藥多布(引) 儒(引) 波薩他(二合引) 那(引) 夜(引) 怛麼(二合) 喃(引)
涅哩夜(二合引) 多夜(引) 弭薩嚩怛他(引) 藥多嚩日囉(二合) 薩怛嚩(二合引) 地瑟恥(二
合) 多唵(引)

Oṃ, sarva tathāgata pūjopa-sthānāya ātmanāṃ nir-yātayāmi, sarva
tathāgata vajrasattva adhiṣṭhita māṃ.

次禮南方寶生尊 捨身求請灌頂位
金剛合掌當於心 以額著地虔誠禮

真言曰：

唵(引) 薩嚩怛他(引) 藥多布(引) 惹(引) 毘囉(引) 迦(引) 耶(引) 怛麼(二合) 喃(引) 涅哩夜
(二合) 多夜(引) 弭薩嚩怛他(引) 藥(引) 多嚩日囉(二合) 囉怛娜(二合引) 毘誥者唵(引)

Oṃ, sarva tathāgata pūjā abhiṣekāya ātmanāṃ nir-yātayāmi, sarva tathāgata vajra-ratna abhiṣiñca māṃ.

次禮觀自在王尊 捨身求請三摩地
金剛合掌置頂上 以口著地虔心請

真言曰：

唵(引)薩嚩怛他(引)藥多布(引)惹(引)鉢囉(二合)鞞唎多(二合)娜(引)耶(引)怛摩(二合)
喃(引)涅哩夜(二合)多夜(引)弭薩嚩怛他(引)藥多嚩日囉(二合)達摩鉢囉(二合)鞞(引)
唎多夜唎(引)

Oṃ, sarva tathāgata pūjā pra-vartanāya ātmanāṃ nir-yātayāmi, sarva tathāgata vajra-dharma pra-vāritaya māṃ.

次禮不空成就尊 捨身求請善巧智
金剛合掌安於心 以頂著地稽首請

真言曰：

唵(引)薩嚩怛他(引)藥多布(引)惹(引)羯囉麼(二合)尼阿(引)怛摩(二合)喃(引)涅哩夜
(二合引)多夜(引)弭薩嚩怛他(引)藥多嚩日囉(二合)羯囉麼(二合)俱嚕唎(引)

Oṃ, sarva tathāgata pūjā karmaṇy ātmanāṃ nir-yātayāmi, sarva tathāgata vajra-karma kuru māṃ.

次觀諸佛遍虛空 當結持印普禮足
禪慧檀智反相叉 右膝著地置頂上

真言曰：

唵(引)嚩日囉(二合)微

Oṃ, vajra-vid.

次以成就妙真言 普願眾生同悉地
一切如來稱讚法 當願加持速成就

真言曰：

唵(引)薩嚩怛他(引)藥多餉悉乞多(二合)薩嚩薩怛嚩(二合引)喃(引)薩嚩悉馱藥三鉢
(引)地演(二合)耽(引)薩嚩怛他(引)藥多(引)悉者地瑟耽(二合)耽

Oṃ, sarva tathāgata saṃ-sikta sarva sattvānāṃ, sarva siddhayaḥ saṃ-pādyantāṃ sarva tathāgata ā-sicadhiṣṭhitam.

次當結加端身坐 淨除三業令清淨
諸法本性清淨故 願令自他悉無垢

真言曰：

唵(引)娑嚩(二合)婆(引)嚩戍馱薩嚩達麼娑嚩(二合)婆(引)嚩戍度(引)唵
Oṃ, svabhāva śuddha, sarva dharma svabhāva śuddho 'ham.

次結蓮華三昧耶 十度相又堅固縛
忍願豎合如蓮葉 想身同彼多囉尊

真言曰：

唵(引)嚩日囉(二合)鉢娜麼(二合)三麼耶薩怛鑠(三合)
Oṃ, vajra-padma samayas tvam.

次結極喜三昧印 定慧二羽堅固縛
忍辱願度中交合 檀慧禪智豎相著

真言曰：

唵(引)三麼耶斛(引)素囉多薩怛鑠(三合)
Oṃ, samaya hoḥ su-ratas tvam.

次當開心入佛智 二乳加持怛囉吒
結金剛縛當心前 三掣開心如啟扇

真言曰：

唵(引)嚩日囉(二合)滿馱怛囉(二合)吒
Oṃ, vajra bandha traṭat.

次觀蓮臺阿字門 二點莊嚴成寂智
禪智屈入金剛縛 召字流入於心中

真言曰：

唵(引)嚩日囉(二合引)吠舍惡
Oṃ, vajra-āveśa ah.

次結密合金剛拳 以此加持使堅固
入印進力住禪智 故能堅持不退失

真言曰：

唵(引) 嚩日囉(二合) 母瑟置(二合) 滿馱(馱半音)

Oṃ, vajra-muṣṭi bandh.

次結蓮華摧魔印 以此淨除諸障難 應以金剛合掌儀
進力如牙豎禪智 內住慈心現威怒 右旋三匝成界方

真言曰：

唵(引) 摩訶(引) 戰拏尾濕嚩(二合) 嚕(引) 波尾迦吒鉢娜麼(二合) 能瑟吒囉(三合) 羯囉
(引) 攞毘(引) 灑拏嚩乞怛囉(三合) 怛囉(二合引) 娑耶尾伽(二合) 喃(引) 鉢娜麼(二合) 藥
乞叉(二合) 佉(引) 陀地唎瑟(三合)

Oṃ, mahā-caṇḍa viśva-rūpa vi-kaṭa padma daṃṣṭra-karāla bhīṣaṇa
vaktra trāsaya vighnāṃ, padma-yakṣa khāda dhṛṣ.

次應端身住三昧 二羽相叉為定印
空界塵身諸佛海 警覺令觀真實心

真言曰：

唵(引) 質多鉢囉(二合) 底(二) 微(引) 曇迦嚕(引) 弭

Oṃ, citta prati-vedhaṃ karomi.

即觀阿字為月輪 重以真言使明顯

真言曰：

唵(引) 冒(引) 地質多(二合) 母怛波(二合引) 娜夜(引) 弭

Oṃ, bodhi-cittam ut-pādayāmi.

自心本性清淨故 應觀察妙金剛蓮

真言曰：

唵(引) 底唎(二合) 瑟吒(二合) 鉢娜麼(二合)

Oṃ, drṣṭa-padma.

為成清淨一相故 漸令開敷同法界
即得大悲三摩地 悉能普淨眾生界

真言曰：

唵(引)薩頗(二合引)囉鉢娜麼(二合)

Oṃ, sphāra-padma.

為令三昧純熟故 悉令延縮得自在
漸歛智蓮量己身 普發淨光照三昧

真言曰：

唵(引)僧訶(引)囉鉢娜麼(二合)

Oṃ, saṃhāra-padma.

次以堅固妙真言 加持能令不傾動

真言曰：

唵(引)地唎(二合)荼底瑟姪(二合)特鉢(二合)娜麼(二合)

Oṃ, dr̥ḍha-tiṣṭhat-padma.

虛空所現諸如來 悉入覺華為一體
應知等同於諸佛 堅固菩提誓願身

真言曰：

唵(引)鉢娜麼(二合引)怛麼(二合)俱(引)唵三麼論(引)唵麼訶(引)三麼論(引)唵薩嚩
怛他(引)蘖多(引)毘三冒(引)地鉢娜麼(二合引)怛麼(二合)俱(引)唵

Oṃ, padma-ātmako 'haṃ, samayo 'haṃ, mahā-samayo 'haṃ,
sarva tathāgata abhi-sambodhi padma ātmako 'ham.

即觀妙蓮為本尊 其身淨滿綠金色 摩尼妙寶為珠瓔
寶冠首戴無量壽 右現殊勝與願印 左以定手持青蓮
住於三昧處月輪 普放慈光照三界 次以根本青蓮印
心額喉頂遍加持

真言曰：

唵(引)多嚩(引)咄多嚩(引)吽(引)

Oṃ, tare tu-tare hūm.

次結寶印自灌頂 二羽堅固金剛縛
進力禪智如寶形 額上加持繫頂後

真言曰：

唵(引)嚩日囉(二合)囉怛那(二合引)毘誑者唎(引)薩嚩訶捺囉(二合)尼涅哩(二合)濯
(引)俱嚩嚩囉迦嚩制娜滿馱(馱半音)

Oṃ, vajra-ratna abhiṣiñca mām, sarva mudrāṇi dṛḍho kuru, vara
kavacena bandh.

二手如垂鬢帶已	便應自被堅固甲	結金剛拳舒進力
唵砧二字想指面	心背臍腰及兩膝	喉額頂後皆三邊
檀慧前散垂天衣	即能堅固無傾動	當以二羽三相拍
是名蓮華喜印儀		

真言曰：

唵(引)鉢娜麼(二合)都史也(二合)斛(引)

Oṃ, padma tuṣya hoh.

次應嚴淨佛國土	為欲奉事諸如來	諦觀無盡香水海
妙蓮上持華藏界	摩尼寶殿以莊嚴	出過諸天妙供具
虛空諸天為第五	所欲皆從虛空生	心樂供養諸聖眾
願令如意普圓滿	以此真實加持已	當結金剛合掌儀

真言曰：

唵(引)誑誑娜三婆嚩嚩日囉(二合)斛(引)

Oṃ, gagana saṃ-bhava vajra hoh.

寶地莊嚴華座上	咄弄字門成本尊	放淨光明超日月
蓮華眷屬悉圍遶	次以請召密方便	召集尊身入智體
定慧二羽堅固縛	進力二度屈出鉤	

真言曰：

唵(引)鉢娜漫(二合引)俱舍(引)迦哩灑(二合)耶摩訶(引)鉢娜麼(二合)俱蘭賀也訖唎
(二合引)嚩三麼焰吽惹耶(二合引)

Oṃ, padma-aṅkuśa ā-karṣaya mahā-padma-kulaṃ hayagrīva
samayaṃ huṃ jyā.

次結蓮華索大印	蓮掌智入進禪中
以此密印及真言	召請本尊能引入

真言曰：

唵(引)阿目伽播(引)捨俱嚧(二合引)馱三摩曳(引)鉢囉(二合)吠(引)舍鉢囉(二合)吠(引)捨耶薩嚧三麼延吽(引)

Om, amogha-pāśa krodha samaye pra-veśa pra-veśaya sarva samayaṃ hūm.

次結華手為鎖印 進力禪智相鉤結
以此蓮華止留印 能令本尊堅固住

真言曰：

唵(引)鉢娜麼(二合)商迦攞(引)滿馱(馱半音)

Om, padma-śaṃkalā bandh.

次結蓮華鈴密印 禪智屈入蓮華掌
以此密印及真言 能令本尊妙歡喜

真言曰：

唵(引)鉢娜麼(二合)健吒馱哩施(引)伽囉(二合)摩(引)吠(引)舍耶三麼耶衫目佉惡

Om, padma-ghaṇṭa dhari, śīghram ā-veśaya samaya ṣaṇ-mukha ah.

次以悅意妙伽陀 捧持闕伽獻香水
妙音遍至無邊界 以此加持速成就

真言曰：

曩謨(引)曳(引)娜薩帝曳(二合引)娜婆誡嚧底(引)冒(引)地母陀囉(二合引)努多囉嚧日囉(二合)達囉磨(二合)鉢囉(二合)論(引)儼(引)娜帝(引)娜薩帝曳(二合引)娜悉地也(二合)唵(引)多嚧(引)咄多嚧(引)咄嚧(引)薩嚧(二合引)訶(引)

Namo yena satyena bhagavatī bodhi-mudrā anuttara vajra-dharma pra-yogena, tena satyena sidhya mām. Om, tare tu-tare ture svāhā.

次應廣設四內供 華掌豎建禪智度
以此蓮華嬉戲故 能滿檀那波羅蜜

真言曰：

唵(引)鉢娜麼(二合)囉底布(引)際曳(二合引)斛(引)

Om, padma rati pūjye hoh.

次結蓮華鬘密印 以蓮華掌前申臂
由獻華鬘供養故 當滿淨戒波羅蜜

真言曰：

唵(引)鉢娜麼(二合)麼(引)攞(引)布(引)際曳(二合引)囉(引)馱(馱半音)
Oṃ, padma-mālā pūjye-rādh.

次結蓮華歌詠印 華掌從臍至口散
獻此如來妙法音 能滿安忍波羅蜜

真言曰：

唵(引)鉢娜麼(二合)儼(引)多布(引)際曳(二合引)儼囉(半音)
Oṃ, padma-gīta pūjye-gir.

次結蓮華舞供養 華手旋舞置於頂
由此密印及真言 速具精進波羅蜜

真言曰：

唵(引)鉢娜麼(二合)涅哩(二合)底也(二合)布(引)際曳(二合引)訖哩(二合)特(半音)
Oṃ, padma-nṛtya pūjye-kṛt.

次結蓮華焚香印 華掌下散如焚香
由此梵香印威力 當證靜慮波羅蜜

真言曰：

唵(引)度(引)波鉢娜弭(二合)儺吽(引)
Oṃ, dhūpa-padme hūm.

次結蓮華華供養 蓮掌上散如獻華
由獻妙華莊嚴故 速證般若波羅蜜

真言曰：

唵(引)鉢娜麼(二合)布瑟閉(二合引)吽(引)
Oṃ, padma-puṣpe hūm.

次結蓮華燈明印 禪智前逼蓮華手
以此燈明供養故 當滿方便波羅蜜

真言曰：

唵(引)鉢娜麼(二合)俱囉遜捺唎(引)達囉磨(二合引)盧(引)計(引)布(引)際曳(二合引)
布(引)惹(引)耶吽(引)

Oṃ, padma-kula-sundarī dharma ā-loke pūjye pūjāya hūm.

次結蓮華塗香印 散掌心上如塗香
以此真言密印儀 能滿誓願波羅蜜

真言曰：

唵(引)鉢娜麼(二合)嚩提(引)吽(引)

Oṃ, padma-gandhe hūm.

次結本尊根本印 以印加持自心上
二羽智拳節相背 進力禪智豎相合

真言曰：

唵(引)鉢娜麼(二合)多嚩(引)吽(引)

Oṃ, padma tare hūm.

次結不空多羅心 以印加持於額上
準前根本祕印相 改豎檀慧令相著

真言曰：

唵(引)尾補攞多嚩(引)吽(引)

Oṃ, vipula tare hūm.

次結本尊寶冠印 以此大印置頂上
準前心印豎忍願 進力遠屈二度背

真言曰：

唵(引)鉢囉(二合)嚩囉多嚩(引)吽(引)

Oṃ, pra-vara tare hūm.

次結真實加持印 以此能召於一切
準前灌頂寶冠印 唯以精進度去來

真言曰：

唵(引)阿慕(引)伽多嚩(引)吽(引)

Om, amogha tare hūm.

次結摧壞諸魔印 以此能伏難調者
準前灌頂寶冠印 直申力度右旋遶

真言曰：

唵(引)三麼耶多嚩(引)吽(引)

Oṃ, samaya tare hūm.

次以字門布己身	唵字頂上	哆字安額	
嚩字兩目	咄字二肩	哆字當心	嚩字當臍
咄字二膝	嚩字二脛	薩嚩字左足	訶字右足
四明引尊入己身	以此加持無二體		
應結青蓮根本印	稱誦蓮華百字明		
定慧二羽內相叉	進力禪智豎相拄		

蓮華薩埵百字真言：

唵(引)鉢娜麼(二合)薩怛嚩(二合)三麼耶麼弩播(引)擺耶鉢娜麼(二合)薩怛嚩(二合)
怛尾(二合)弩波地瑟吒(二合)地哩(二合)濯(引)銘(引)婆(引)嚩素覩史論(二合引)銘(引)
婆(引)嚩阿弩囉訖覩(二合引)銘(引)婆(引)嚩素補史論(二合引)銘(引)婆(引)嚩薩嚩悉
地銘(引)鉢囉(二合)也嗟薩嚩羯麼素者銘(引)質多室唎(二合引)藥俱嚩吽(引)呵呵呵
呵穀(引)薄伽梵薩嚩怛他(引)藥多鉢娜麼(二合)麼銘(引)悶者鉢娜弭(二合引)婆(引)
嚩摩訶(引)三麼耶薩怛嚩(二合)惡

Oṃ, padma-sattva samayam anu-pālaya, padma-sattva tvenupa-
diṣṭa dṛḍho me bhāva, su-tuṣyo me bhāva, anu-rakto me bhāva, su-
puṣyo me bhāva. Sarva siddhiṃ me pra-yaccha. Sarva karma suca
me citta-śrīyaḥ kuru, hūṃ ha ha ha ha hoḥ, bhagavan sarva
tathāgata padma mame muñca padmī bhava mahā-samaya-sattva
ah.

稱誦百字真言已 不解前印念本明

真言曰：

曩謨(引)囉怛那(二合)怛囉(二合)夜(引)也曩莫阿哩也(二合引)嚩魯枳帝(引)濕嚩(二
合)囉(引)耶冒(引)地薩怛嚩(二合引)耶摩訶(引)薩怛嚩(二合引)耶摩訶(引)迦(引)嚩
拏迦(引)耶怛地也(二合)他(引)唵(引)哆嚩(引)咄多嚩(引)咄嚩(引)薩嚩(二合引)訶(引)

